



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 61. Parlamentorum vindicta contra hoc Inquisitionis decretum.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

cizæ adversantia damnata fuerunt, eorumque lectio, venditio &c. sub gravissimis pœnis ac censuris interdicta: Eadem schismatici & hæresi proximi scripti nota perstringebatur Cardinalis Noaillii appellatio. Hoc vero Inquisitionis iudicium summus Pontifex sua auctoritate approbavit, & illis, qui ad Franciæ Episcopatus ac beneficia a Rege nominabantur, confirmationis literas concedere renuit, nisi de eorum orthodoxia certus esset, ac nominati se Constitutionem acceptaturos promississent, quamvis Cardinalis Tremolius fuisset minitatus, se concordatorum executionem a Papa petiturum, nec ultra pro Beneficiis a Gallis ad Datariam recursum iri.

Sæc. XVIII.

A. C. 1717.

## §. LXI.

*Parlamentorum vindicta contra hoc Inquisitionis iudicium.*

Ad hanc severitatem contra Appellationes interjectas summus Pontifex non semel provocatus videbatur iniuriis Parlamentorum ausibus: Non semel enim suis edictis Archiepiscoporum Episcoporumque mandata ad tuendas fidei veritates edita prohibuerunt, atque infamis rogi pœna per carnificem publice plectere præsumpsere: Tam longe

Sæc. XVIII. longe autem aberant Appellantes, ut  
A.C. 1718. Pontificem pro officii sui debito ad hanc  
 publicam proscriptionem processisse, &  
 nonnisi laceffitum talionis jure usum  
 fuisse excusarent, quin potius omne li-  
 voris virus in eum effundere, ex con-  
 dicto certarent: utque Pontificis aucto-  
 ritatem, agendique rationem infimæ  
 etiam plebi exosam redderent, in vul-  
 gus spargebant, quod Pontifex, eoquod  
 tribus Ecclesiasticis ad beneficia a Rege  
 nominatis, nisi de eorum obsequio cer-  
 tus esset, Apostolicas confirmationis li-  
 teras concedere renueret, novum *For-  
 mularium* in Franciam invehere molir-  
 retur. Hic rumor tam secundis auri-  
 bus, atque sine latentis doli suspitione  
 excipiebatur, ut etiam Rex præteritis  
 tribus Ecclesiasticis, ne hac super re  
 quicquam Romam perscriberent, inhibe-  
 beret, veritus, ne Pontifex ab eis Bullæ  
 subscriptionem exigeret: Verum Pon-  
 tifex nec *Formularium* novum inve-  
 here, nec subscriptionem exigere, sed  
 duntaxat de sana nominatorum fide au-  
 thentico testimonio certior fieri inten-  
 derat, unde etiam, quamprimum Tre-  
 mollius de horum Præsulum subjectione  
 erga Bullam coram Pontifice scripto  
 tenus testabatur, mox Hic petitas con-  
 firmationis literas nominatis duodecim  
 Ecclesiasticis die undecima Maij ex-  
 pediri

pediri iussit. Dissipata hujus terricu-  
 lamenti umbra Appellantes magis effi-  
 caces sese vindicandi modos quærebant,  
 ac præprimis Parlamentum Parisiense  
 ad damnandum Pontificis decretum in-  
 citabant, simulque in sui causam di-  
 ferti ac copiosi ipsum etiam Regentem  
 eo inducebant, ut Noaillio pollicere-  
 tur, se, ut ejusmodi edicta a Pari-  
 sienti, ceterisque Regni Parliamentis  
 ederentur, procuraturum, ea tamen  
 lege, ne Cardinalis suam appellatio-  
 nem publicam redderet. nec hac agendi  
 ratione prior ipse schismatis vexillum  
 erigeret. Id sine tergiversatione Noaillio  
 pro more suo spondente, Parisiense Parla-  
 mentum suum edictum die vigesima octa-  
 va Martii ad omnia Regni Parla-  
 menta transmisit, eo fine, ut ea sui edicti typum  
 Parisino conformarent: Paruere ex Par-  
 lamentis Rhedonense, Bisantinum,  
 Burdegalense, & Bituricense, Meten-  
 se, & Tholosanum; Aquense autem  
 fluctuabat, & Duacense palam profite-  
 batur, se non posse suppressere Sedis  
 Apostolicæ decretum, quod res fidei  
 concerneret: Arelatensis quoque Archi-  
 episcopus, priusquam sacros conferret  
 ordines, prolixo sermone circa Consti-  
 tutionem habito Appellantes Episcopos,  
 & Noaillum Cardinalem inter hæreti-  
 cos & schismaticos recensuit, cunctis-  
 que

Sæc. XVIII.  
 A. C. 1718.

Sæc. XVIII. que ad S. Ordines promovendis formulam de promittenda erga Constitutionem subjectione signandam tradidit, cumque Benedictini Abbatia Montis-Majoris se formulæ Alexandri VII. subscribere paratissimos exhiberent, novam autem hanc formulam signare detrectarent, Archiepiscopus eis, Ordines conferre renuit.

## §. LXII.

*Ultimus Rohanii & Bissy Cardinalium ceterorumque Acceptantium conatus ad flectendos renitentes.*

*Lafiteau l. c. pag. 114.*

Interim summo Pontifici nuntiatum erat, Rhemense Capitulum suam appellationem in Archiepiscopi sui contumeliam & contemptum innovasse, eapropter cunctos Opponentes a fidelium communione per Bullam in universum Orbem transmissam segregare statuit: Eo comperto Acceptantes Episcopi, ut tantam ignominiam a suis Confratribus averterent, ultimum admoturi arietem, eorum impulsu Bissyus datis ad Papam literis eundem rogabat, ut hanc pœnam, quamvis promeritam pro sua tamen benignitate differret, eo quod Serenissimus Regens ad ejus preces denuo amicas consultatione